



Шочмо эл, порылык да чын верч!

БУДЬ ГОТОВ /

«Ямде лий»

45-ше (3745) №,
2025 ий 14 ноябрь,
кугарня



0+

1933 ий 1 февраль годсек лектеш.



Камера Конференций годым.

Икоян калык – Российын вийже

Российыште 200 наре түрлө калык келшен, ваш энгертен, полшен ила. Кажныжын – ойыртемалтше тувыраже да йылмыже, эртыме корныжо. Туге гынат нуным Шочмо эл – Россий – иквереш уша. Тудын волгыдо ончыкылыкшо верч тыршымаш – кажнын порышо.

Россий Президент Владимир Путин 2026 ийым Российысе калык-влакын икоян улмо идалык семын увертараш темлыме дене келшен. Кок у пайрем нерген пунчалыш кид-

палым пыштен. Шушаш ийгыч 30 апрельыште Российысе изи чотан түп калык-влакын кечыштым, 8 сентябрьыште Россий калык-влакын йылмышт кечым палемдаш тунгалына.

Икте-весе коклазе кыл виянмылан кундемыштынат кугу туткыш ойыралтеш. «Россий калык-влакын ассамблейыштын» верысе полкаже Йошкар-Оласе 32-шо номеран школышто «Герои моего народа» республикысе шымлыме паша конференцийым шукерте

огыл эртарен. Тушко 10 түрлө калыкын икшывыже-шамыч ушне-ныт, геройышт дене палдареныт. Конференций кышкарыште Йошкар-Оласе Российысе сарзе-патриот ушемын «Герои и подвиги» куснылшо ончержым, «Жена Героя. Мать Героя» выставкым почыныт. Нуно СВО-н участникше-шамычлан, авашт ден пелашыш-лан да Кугу Ачамланде сарын ветеранже-влаклан полеклалтыныт.

Оля МАЙКОВА.
Иван Речкинын фотожо.

ПОДПИСКЕ

Россий мучко 2026 ийын икымше пелийжылан газет ден журнал-влаклан подпискым ыштыме тургым кая. «Ямде лий» газетлан возалташ вашкыза. Акше – 505 теңгеат 56 ыр (Марий Элыште). Индекс – П4696. Подписчик-влак коклаште лотерей модышым эртарена. Квитанцийым редакцийышке колтыман.

Рекламе.



Самырык корреспондент улына

«Авангард» сарзе-патриот рӯ-дерыште самырык корреспондент-влакын «ЮНКОР12» республикысе школышт икымше гана эртаралтын. Тушко түрлө район гыч 12-17 ияш шүдө наре ўдыр-рвезе погыннен. Меат, 8-10-шо класслаште тунемше-шамыч Мария Романова, Екатерина Мочалова, Лейла Мухаметова да мый, ушненна. Тыгак директорын воспитаний паша шотышто советникше Е.С.Козлова пеленна лийын. Мемнам снимкыште ужда.

Кандаш командылан шелалтын, медиаконтент нерген пален налынна, медиапроектым ямдылаш тунемынна. Шкенам корреспондент, вўдышө семын тергенна. Онай уна-влак дене вашлийынна.

Школыштына «Мотор» газетым шукерте огыл савыктен лукташ тўналынна. Ты школышто налме шинчымаш газетнам ямдылымаште кугун полша, шонем. «ЮНКОР12»-ыш логалмым кугу пиаллан шотлем.

Анастасия МУХАМЕТОВА.
Оршанке, Кугунур.
Фотом школ архив гыч налме.

Российысе увер

«Сенгымаш кожым» сўретле» тўнямбал сўрет конкурсыш түрлө тангас почеш ушнаш лиеш. Пашам 23 ноябрь марте колтыман. Тўрыс увер - victorymuseum.ru сайтыште.

5-17 ияш ўдыр-рвезе-влак, «Дети рисуют лидера России» всероссийский сўрет конкурс – лач тыланда. Пашам 12 декабрь марте вучат. Лекше йодышым blago-konkurs@mail.ru электрон почто дене рашемдыман.

«Новогодняя Россия» всероссийский акцийын тамгаже – юзо Тулгайыкын пыстылже. Тудын сўретшым кучылтын, кумдыкым, социал лаштыкым сўрастарыза. Кумданрак russia.ru сайтыште лудса.

Марий Элысе увер

16 ноябрь марте Республикысе курчак театрыште «Яндар» тўнямбал фестиваль эртаралтеш. Тушко Россий да Китай гыч 12 курчак театр ушна.

«Яндекс» марла ойлымо текстым умылаш да вес йылмыш кусараш «тунем шуын». Ты пашашке кугу надырым Йылмым, литературым да историйым научнын шымлыше В.М.Васильев лўмеш марий институтын шанче пашаенже Андрей Чемышев пыштен.

Марий Эл Республик гыч 8-10-шо класслаште тунемше лу ўдыр-рвезе «Большая перемена» всероссийский конкурсыш ушнен. Чылан сенгыше радамаш лектыныт. Саламлена!



Тоштерыш – унала

Марий Элын 105 ияш лўмгечыжым Пётъял школышто 1-ше классыште тунемше ўдыр-рвезе-влакат палемденят. Республикын эртыме корныжым кумданрак пален налаш манын, школысо тоштерыш унала миенят (снимкыште). Тоштерым вуйлатыше Татьяна Васильевна Семёнова музейыште аралалтше

арверла дене палымым ыштен, шочмо кундемын историйжым каласкален. Йоча-шамыч кугезе коча-коваштын илыш корныштым шарналтенят. Нунын шочмо кундемем вияндымаште надырышт нерген ойленят.

Кира ДАНИЛОВА.
Волжский район.
Фотом школ архив гыч налме.

«Викториян» у пашаже



Йошкар-Оласе «Виктория» музыкальный театр, «Семья» национальный проектын «Семейные ценности и инфраструктура культуры» федерал проектше почеш Российысе тۇвыра фондн грантшым сәген налмеке, «Мир после войны» спектакльым шынден (снимкыште). Тудым шукерте огыл калык ончыко луктын.

Спектакль-триптих Л.Н.Толстойн «Война и мир», М.А.Шолоховын «Судьба человека» да «Мир и Жизнь в новых регионах России» произведенийла почеш шочын. Режиссёр Анжела Тихонова, хореограф Анна Кузнецова ты проектым вуйлатыше Виктория Козицынан шонымашыжым калык дек устан намен шуктенят.

Спектакльыште «Виктория» театрыш коштшо 9-16 ияш

30 ўдыр-рвезе да специальный военный операцийште улшо салтак-шамычын латвич икшывышт модыт.

– Йоча-влак шочмо кундемыштын историйжым сайын палышаш, кугезына-шамычын арален кодымо тыныслыкын да эрыкын акыштым умылышаш улыт. Лач тыгай спектакль-влак чоныш патриот шўлышым утыр шындарат да Шочмо эл дене кугешнаш таратат. Триптих пластический сынан: изи артист-шамыч спектакльын шонымашыжым утларакше куштымаш гоч ончыктат. Эше ты проект – спецоперацийыште улшо салтак-влакын ешыштанлан икешотан энэртыш, – ойла В.Козицына.

Христина АЛЕКСАНДРОВА ямдылен.
Фотом театрын архивше гыч налме.

Калык вургем пайрем

Медведево посёлкысо 6-шо номеран «Онгыр» йочам вияндыме рўдериште «Волжские узоры» районысо дефиле-конкурс эртаралтын. Тушто Юл кундем федерал округышто илыше калык-шамычын национальный вургемышт дене палдареныт.

Ты йочасадын кугурак группыжы коштшо ўдыр-рвезе-шамыч (снимкыште) татар калыкын вургемжым ончыктеныт, изирак представленийым ямдыленыт. Нуно икымше вер дене палемдалтыныт.

Елена ГОДУНОВА.
Фотом йочасадын архивше гыч налме.



Шочмо вер дене кугешнененыт

Волжск оласе 23-шо номеран «Кораблик» йочасадыште Марий Эл Республикын 105 ияш лўмгечыжлан пўлеклалтше пайрем эртаралтын. Йоча-влак пеш ямдылалтыныт. Кажныже почеламутым тунемын: иктыже марла, весыже рушла каласкален. Подготовительный группыш коштшо ўдыр-влак воспитательышт Л.А.Ефимова дене пырля (снимкыште) сылне марла куштымаш дене куандареныт. Пайремым вўдышў йоча-шамычым марий калык модышла дене палымым ыштен да модыктен. «Марий Эл – мыйын шочмо верем» викториныште кажныже вашмутым пуаш тыршен. Пайрем моткоч сай, марий шўлышан лийын.



Надежда ТИМОФЕЕВА.
Авторын фотожо.

«Шонанпыл»

Китне ялысе тўвыра пўрт пелен «Шонанпыл» йоча площадке кокымшо ий пашам ышта. Тушко ме куанен коштына. Клуб вуйлатыше Татьяна Григорьевна Ядыкова ден селасе книгагудо пашасен Анна Валентиновна Кибардина кумылан кажне сным порын вашлийыт. Тўрлў модмашым, мастер-классым эртарат, спорт танасымашке ушат, походыш, экскурсийыш коштыктат, мероприятий-влаклан ямдылат. Рвезе-шамыч футбол командым погеныт. Ме, ўдыр-влак, волейбол ден пионерболлан утларак кумылан улына. Сўретлаш, бисер гыч сўрастарыш-шамычым ышташ йўратена.

Екатерина РОМАНОВА,
Венера НИКОЛАЕВА.
Марий Турек район.

Чавайн



тукым улына

Сылне вершөр

Мый шочынам Марий Элеш,
Мотор да сылне вершөреш.
Йырваш чодыра да олыкла,
Куку йўкан ош куэрла.
Пеш шуко ер ден эңер-влак
Марий Элем сорастарат.
Чодыраште уло янлыкшат
Да түрлө пого, саскажат.
Йошкар-Ола – рўдолана,
Ме тудын ден кугешнена.
Марий Элем мый йоратем,
Эн поро мут дене моктем.

*Полина УРТЬЕВА.
Волжский, Пётъял школ пеленысе
йоча усталык пёрт.*

Марий ўдыр улам

Авам кенжемым сылне футбол-
кым пөлеклен. Тушто кугу бук-
ва дене «Мый марий ўдыр улам»
манын возымо. Марий улмем
дене кугешнем да ты футбол-
кым куанен чиём. Кажне айдеме
шке шочмо йылмыжым йора-
тышаш да аралышаш. Вет тудо
эн лишыл да шерге. Йылмын
пұрымашыже – самырык туку-
мын кидыштыже.

*Александра ТОРОЩИНА.
У Торъял, Тошто Торъял.*

• Синквейн •

Урок
Оңай, пайдале.
Туныкта, модыкта, тыршыкта.
Ум пален налме йөн.
Шинчымаш.

*«Марий сылнымут садвечыште»
кружокын тунемшышт.
Морко, Шўргыял.*

Пўртўс кумылым нўлта

«Ямде лий» газетым арня еда
куанен вучышо, тўналгыш
гыч мучаш марте лудшо-влак
кажне юнкорын лўмжым шар-
нен кодыныт, шонем. Кажныж
дене палыме лиймыштат
шуэш, очыни. Почела-
мутым возышо-шамыч
кокля гыч Диана Той-
бахтина (снимкыште)
ойыртмалтеш. Таче
тудо лаштыкнан унаже.

Диана У Торъял ра-
йон Тошто Торъял шко-
лышто 9-ше классыште
тунемеш. Марий йылмы-
лан, сылнымутлан изинек
шўман.

– Почеламутым возаш
тўналгыш класслаште
туныктышем Алевтина Вениа-
миновна Ершова кумуланден.
Туныктышын кечыже вашеш
«Икымше туныктышем» по-
челамутым серенам. Мастар-
лыкем вияндаш манын, тўрлө
авторын поэзий книгажым лудам.
Могай образым кучылт-
мыштым, рифме-шамычым
шымлем. Кумылем нўлташ
пўртўс лонгашке лектам,
шочмо веремын моторлыкшым
эскерем. Мўнгө толамат, по-
челамут писын возалтеш, –
ойла ўдыр.



Диана усталыкшым тўр-
лө кўкшытан конкурсышто
ончыкта. Сенгымашыжат
уло. Школышто эртаралтше
«Йылме пеледышым по-
го – тудо вет ўмы-
рыштет» сылнымут
конкурсышто чыла-
ныштым ончылтен.
«С.Г.Чавайным моктен
мура Марий кундем!»
республикысе кон-
курсышто сенген.

– Мый тыгак по-
челамутым, ойлы-
маш, повесть, роман
гыч ужашым сылнын
лудаи йоратем. Ту-
нам сылнымутын вий-
жым, кажне шомакын
моторлыкшым утларак ши-
жат. «Живая классика» всерос-
сийский конкурсын районысо
йыжыныштыже икымше верым
сенген налынам. «Живое на-
следие» районысо конкурс-фес-
тивальыште кумио лийынам.
Районышто эртаралтше «Да-
нилов лудмаште» мастарлыкем
ончыктенам, – палдара Диана.

Чолга марий ўдыр деч шуко
сылне почеламутым вучаш
тўналына.

*Христина АЛЕКСАНДРОВА.
Фотом еш архив гыч налме.*

Сылнымутым акла



Николай Сергеев (снимкыште)
Морко район Кократово лице-
йыште 5-ше «А» классыште ту-
немеш. Сылнымутлан изинек
шўман: рушла да марла поче-
ламутым чаткан лудаи йората.

Рвезе-влак коклаште тыгайже
шуэн вашлиялтеш.

– Почеламутым ийготлан
келышышын чын ойыраш, ту-
дым умылаш, сылнын лудаи
марий йылме ден литерату-
рым туныктышо Нина Вениа-
миновна Аркадьева туныкта, –
ойла рвезе. – Тўрлө конкур-
сышто мастарлыкем тергем.
Вес йоча-шамычым эскерем,
шке усталыкем вияндем.

Николайын икмыняр сенгымашыже уло. Калык-влакын ико-
ян улмо кечыштлан да Марий
Элым ыштымылан 105 ий тем-
мылан пөлеклалтше районысо
конкурсыштат икымше верыш
лектын. Николай – лицейын
ўшанже да моло-влаклан пример.

*Вячеслав СМЕРНОВ.
Авторын фотожо.*

Кечыгут тунемеш да модеш



Лач тыге ойлаш лиеш
Марий Элын калык артист-
кыже Светлана Викторовна
Сандакова (Ягулбаева) нер-
ген, илышыжым, пашажым
шымлен иктешлымеке.
М.Шкетан лумеш Марий
национальный драме
театрын артисткыже
22 ноябрьште «Бавай»
спектакль дене бене-
фисым эртар. С.В.Сан-
дакова дене вашлийын
мутланышна.

Пагалыме пӱга-влак,
мый моткочак куанен,
кунам те кынам лудода,
погаламатем вӱргалда да
шалафак компьютер сӱгыно
тӱшкӱда.

Марий эл
калык артисткыже
Светлана Сандакова
С.В.

– Светлана, йоча жап могай шарнымашым коден?

– Мый Морко районсо Шенше селаш шочын-кушкынам. Йоча пагыт – эн весела жап илышыштем. Мемнан илыме уремыште иктанаш ўдыр-рвезе-влак моткоч шукын кушкынна. Мый нунын командирышт лийынам. Йошкар ўпан улмем дене чыла деч ойыртемалтынам. Йочам годым тыгай ўпем деч моткоч чот вожылынам, ятыр гана шортынам. Тунам шӱртньӧ тўсан улмемым аклен моштен омыл. Туге гынат йолташем-шамыч мыйым пагаленыт да колыштыныт. Кеч-мо шотышто пытаргыш шомак мыйын лийын. Пырля тўрлӧ концертым ончыктенна, пошкудо яллаш коштынна. Эм шудым погенна, коштенна да аптекыш сдатленна. Мо онгайже, йоча-шамыч погат да мыланем конден пуат ыле. А мый кӧ мыняр кондымым эре возenam. Школышто сценкым шынденна. Шарнем икымше ролям: Корак лийынам. Шомакшат икте веле ыле, «Кар-р-р» маньнам. Клуб пеленысе куштымо кружокыш коштынам. Кушташ пеш йӱратенam. Очыни, садланак 11-ше класс деч вара Йошкар-Оласе культпросветучилищыш

(кызыт И.С.Палантай лумеш тўвыра да сымыктыш колледж) хореографий пӱлкаш тунемаш пураш кумылангынам.

Кугурак лиймеке, индий кином чот йӱратен онченam. Тусо мурьжо, куштымашыже, вургемже, чын йӱратымаш да тудын верч кучедалмаш – чылажат кумылем савырен. Магнитофоным налын, кином ончаш клубыш куржам ыле. Киносо мурсемым кассетыш возen налынам. Йоча годсо шонымашем – Индийым шке шинча дене ужаш – кызытат чоныштем ашнем. Илен-толын, тудо шукталтеш маньын ўшанем.

– Куштызо лияш шоненат гынат, пўрымаш артист корныш шогалтен.

– Тыге шол. Культпросветучилищыш тунемаш пурен шым керт. Жапым арам йомдараш огыл маньын, Моркышто ургызылан тунем лектым. Вара адак чон олашке шупшын, ты тунемме тӱнежышкак. Олег Геннадьевич Иркабасвын вуйлатыме актёр курсышкыжо ушненam. Вара Москошто М.Щепкин лумеш кўшыл театральный училищыште шинчымашым погенam. 1998 ийыште

Йошкар-Олашке диплом дене пӱртылынам.

– Коло куд ий жапыште 59 рольым модынат. Икымше ролям кызытат шарнет?

– Икымше ролям культпросветучилищыште тунеммем годым Марий самырык театрын сценыштыже лийын. «Пӱртыл, ўдырем» спектакльыште Олян образшым чоненam. Тудым нигунам ом мондо, шортын-шортын модынам. Икымше йӱратымаш, ўшаным йомдарымаш да молат. Шкежат спектакльысе тўн герой дене икгай ийготан лийынам.

Моско гыч тунем толмеке, М.Шкетан театрыште «Ачийжат-авийжат!..» спектакльыште Орикын рольжым пуэныт. Икымше пашам лийын.

– Светлана, ты жапыште тўрлӧ койыш-шоктышан образым чоженат. Кушеч вий-куатым налат? Спектакльласе мут-влакым кузе шарнен кодат?

– Кузе шарнен кодам – южгунам шкежат ӱрам. Кунам модат, шомакым дейвийышке пыштет, тунам мут-влак шкеак шарналтыт. Рольым модмем годым шинча-ончылнем – эре ош кагаз: тушто строка-влакым ужам. Рольым эре, кечыгут тунемам: пашаште, канен шинчыме, сурт кокласе сомылкам ыштыме годым, мален колтымешкем, строка-шамыч ушыштем пӱрдыт. Шомак-влакым шарнымаш – тиде ик сомыл, эше ты мутлан кӱргӧ шижмашым (эмоцийым) келыштарыман. Икманаш, моткоч неле паша. А тудым мый шке ойырен налынам. Йӱратыме пашашкем кече еда куанен вашкем.

Людмила ГРИГОРЬЕВА мутланен.
Снимкыште: Светлана Сандакова –
Алексей пелашыже, Валерия, Элавий,
Аксар икшывыже-влак дене пырля.
Фотом вш архив гыч налме.



Педагогике науко кандидат, Россий Федераций общий образованийын почётан пашаенже, Марий Эл Республикысе образованийын сулло пашаенже, Йошкар-Оласе 21-ше номеран Семёновка школышто туныктышо
О.Н.ВАСЕНИНА
ямдылен.

«Марий Эл – шочмо вер» урок

1 Скобкышто улшо мутым, муткылдышым марлапдыза да яра верышке шындыза.

_____ (рождение Марийской Автономии), тўналтыш корныжо Иван Петрович Петровын лўмжō дене чак кылдалтын. Тудо 1893 ийыште Морко район- нысо Шенше селаш _____ (родился). _____ (после Октябрьской революции) Иван Петрович Морко волость исполкомышто пашам ыштен. 1921 ийыште тудым ревком _____ (руководителем) шогалтеныт. Варажым облисполком председатель ли- йын. Иван Петрович Петров марий калык культурын виян- мыже нерген эреак шўм йўлен _____ (думал).

3 Марий Эл Республикын рўдолажын лўмжым вашталтыме ийлам палемдыза.

_____ – Царёв город на Кокшаге, варарак Царевококшайск.
_____ – Краснококшайск.
_____ – Йошкар-Ола.

5 Йошкар-Оласе тōнежлам келшыше лўмлō ег дене ушыза.

Яков Павлович Майоров-Шкетан	Марий кугыжаныш филармоний
Эрик Никитич Сапаев	Калыкле тоштер
Сергей Григорьевич Чавайн	Тўвыра да сымыктыш колледж
Тимофей Евсеевич Евсеев	Калыкле книгагудо
Валериан Михайлович Васильев	Марий кугыжаныш драме театр
Иван Степанович Ключников-Палантай	МарНИИЯЛИ
Яков Андреевич Эшпай	Марий кугыжаныш опер да ба- лет академический театр

7 Марий Эл Республикысе олала ден райрўдылам палемдыза.



2 Текстым лудса да руш- лашке кусарыза. Шке ра- йонда нерген палдарыза.

Морко район Марий Эл Рес- публикын кечывалвел-эрвелны- же верланен. Тудо 1924 ий 28 августышто шочын. Районын мланде кумдыкшо – 2270 ква- дратный километр. Пеле угла мландыжым чодыра айла. Морко мланде мучко 19 энгер йоген эрта. Тушто 50 наре ер уло. Морко ра- йонын ик ужашыже «Марий Чод- ра» национальный пўртўс паркыш пура. Морко кундемым респуб- ликыште талант пашам манит.

4 План почеш текстым ямдылыза.

1. Шочмо кундемна – Марий Эл.
2. Йошкар-Ола.
3. Район ден ола-влак.
4. Республикын поянлыкше.
5. Республикын лўмлō енге-влак.

6 Вашмутланымашым чогыза.

- Йошкар-Ола кунам шочын?
- Марий-влак олам кузе лўмденыт?
- Йошкар-Ола могай энгер се- рыште верланен?
- Йошкар-Ола кунам рўдола ста- тусым налын?
- Кызыт ола мо дене чаплана?

8 Марий Элысе энгер-вла- кым серыза:

Марий Элысе ер-влакым возыза:



«Радуга» йочасадыште шыже пай-ремым эртарыме годым юзо шўлыш озаланен. Ме чодыраште илыше йолташ-влакым Йўштō ден Ночко деч утаренна. Муро, куштымаш, поро паша дене темше приключенийын участникше-шамыч лийынна. Мемнан деке унала ковыра Пыл да мотор Шыже толыныт. Пеленышт шōрт-нō лышташлам да модышым конденыт. Йоча-влак, лышташ велме гай койын, куштымаште пōрдыныт (снимкыште). Но пайремым Йўштō

ден Ночко амырташ тыршенгыт. Нунын ваштареш рвезе геройна-влак шогалыныт! Осал пашам сененыт. Шыже чылалан тауштен, чевер олма кучыктын. Ме умыленна: чын келшымаш да порылык кеч-могай туткарым сенаш полшат. Воспитатель ден музыкальный вуйлатышлан шыже йомак тўням пōлеклымыштылан таум ойлена.

Дама ЧАГИНА.
Медведево, Новьй.

Фотом йочасадын архивше гыч налме.

Историйым
шергалына

19 ноябрь – Ракетный войска ден артиллерийын кечыже.
1942 ий ты кечын совет войска Сталинград воктене контрнаступленийым тўгалын.

«Самырык талант»

Провой кундемсе Поянсола школышто «Самырык талант» кружок пашам ышта. Мый тушко куанен коштам. Кружокым Лидия Аркадьевна Васильева эртарат. Тушто тўрлō пашам ыштена: афишым возаш тунемына, янлык илышым шымлена, нунын койышыштым шке ончыктена. Снимкыште мый да йолташ ўдырем Виктория Бурманова афишым сўретленна. Тиде кружок илышлан тунукта.

Ульяна ГАРАНИНА.
Фотом школ архив гыч налме.



М.ШКЕТАН ЛЎМЕШ МАРИЙ КУТУЖАНЫШ ДРАМЕ ТЕАТР

22 16:00
ноябрь

РМЭ-н калык артистше
Светлана
Сандакован
бенефисше

Ю.Тупикина Комедий

БАВАЙ

8(8362)78-13-78 SHKETAN.RU

Кō лияш?

Мый але кудымшо классыште веле тунемам. Но ончыкылык профессий нерген кызытак шонкалем. Илен-толын, кондитер лийнем. Тўрлō тамле кочкышым ямдылынем, калыклан куаным кондынем. Кызыт ты профессий нерген лудам, онай увер-влакым погем.

Кира СМЕРНОВА.
* * *

Акам – врач. Коркатово лицеймак тунем пытарен. Мыят акам семынак эмлэзе лийнем. Тудо мыланем пример. Сайын тунемам, тунуктышын пуымо заданийлажым шуктем. Шоньмашкем шуашак тыршем.

Александра ВАСИЛЬЕВА.
Морко, Коркатова.



Покупаем

ЛИПОВЫЙ МЁД

250 руб. за кг

Минимальный объем
400 кг

Сами приезжаем,
тара и деньги сразу.

Тел. 8-903-771-55-90

Реклама



0+

Марий Эл
Республикысе
«Марий Эл»
увер агентстве» КАУ.
Директор –
Е.И.КУЗНЕЦОВ.
Тўн редактор –
А.Н.ГРИГОРЬЕВА.

Индекс П4696.
Тираж 1550 экз.
Заказ
Формат – А-4-8.

Учредитель-влак:
Марий Эл Республикысе Тўвыра,
печать да калык-влакын пашашт
шотышто министерстве,
Марий Эл Республикысе
«Марий Эл» увер агентстве» КАУ.

Редакций да издатель: Марий Эл
Республикысе «Марий Эл»
увер агентстве» КАУ,
424006, Йошкар-Ола,
СССР Вооружённый Вийын 70-ше
идалькыш урем, 20-шо пōрт.
Тел. 8(8362) 45-22-82.

Газетым редакцийште
погымо да верстатлыме,
«Марий Эл Республикысе
Правительствын
типографийже» ООО-што
ямде оригинал-макет гыч
савыктыме.
Типографийын адресше:
424000, Йошкар-Ола,
Комсомольский урем, 112.

Печатьыш пуымо жап –
14-00, фактически – 13-00.

Авторын да редакцийын
шоньмашышт тўрлō лийын кертят.
Серыш-влак мōнгеш огыт колталт.
Ак – кутырен келшыме почеш.

https://vk.com/yamde_lii
<https://t.me/yamdelii>
yamde_lii@mail.ru
yamdelii@mediamari.ru
(автор-влаклан)
Сайтын адресше: ямделий.рф

Газетым Кыл, информационный
технологий да массовый
коммуникаций сферым
эскерыме шотышто
федеральный службын Юл кун-
дем федеральный округысо
управленийыштыже
регистраватылме.
Номер – ПИ № ТУ52-01404,
2023 ий 22 сентябрьыште пуымо.

У конкурс



Василиса ПЛАТОВА аваж дене пырля.
Медведево, Шопкирла.



Дарина ден Володя
ЕМЕНГУЛОВЫТ.
Йошкар-Ола.



Виктория, Валерия да
Тимофей НИКИТИНМЫТ.
Звенигово, Кожвожмучаш.

Кроссворд



1. Түрлө койышан ...
2. Шыжым, шошым
күлешан йолчием.
3. Лышташ ... пагыт.

4. Йошкар кичкан пушенте.
5. Шыже пайрем.
6. Шыжын икымше тылзыже.
7. Шыжым могай кенез лиеш?
8. «Шыже» мут дене кумдан кучылталтше пале мут.
9. Ноябрь – ... тылзе.
10. Шыжым кайыккомбо-шамыч кычкырлен чонештат гын,
шыже могай лиеш?
11. Шыже почеш мо толеш?

Валерия СКВОРЦОВА.
Волжский, Сотнур.

Пурла тогырысо сүретым ончен чиялытза.



Шотлыза

